

Èl cèrège
su
l' gatô.

Pièce en un acte

De

Nadine Modolo.

Action.

Afin de faire plaisir à Maman, une petite fille veut faire la surprise d'une maison propre et bien rangée lorsqu'elle rentrera du travail.
Oui mais, c'est sans compter les visites imprévues.

Décor.

Un salon, comprenant un divan, une table basse de salon, deux trois chaises, une petite armoire avec tiroir, un téléphone, un coffre à jouets.
Au cours de la pièce Cerise s'amusera avec son contenu.
Une porte côté cour (cuisine) une porte côté jardin (Entrée principale.)

Personnages.

Blandine : La petite fille de la maison

Grégory : Un copain de Blandine

Cerise : Soeur de Grégory

Amandine : Amie de Blandine

Cédric : Ami de tous (Bricoleur)

Mimie : Amie de Blandine

Voix off

Au lever du rideau, Blandine prend les poussières, en écoutant son CD préféré, elle n'hésite pas à faire un petit pas de danse.

Elle range ce qui traîne, on voit qu'elle aime l'ordre et la propreté.

Scène 1: Blandine-Voix off.

001) Blandine: Ah oyi ça ! ène Moman on n' da qu'yeune, adon i fôt l' sognî. Èm lèyî toute seûle tins qu'èle travâye, c'è-st-ène preûve qu'èle a confiynce a s' n-èfant...ètou, quand èle èrvénra èle trouv' ra ène môjo prope èyèt r' mètûwe d' alure, ène boune jate di nouvia cafeu...èt saquants p' tits gatôs (Se ravise) si èle m'a lèyi saquants-Euros ! (Examine le contenu du porte-feuille se trouvant dans le tiroir) I n'dimeûre pus grand chôse...Bâh on pâye dins quinze djoûs. (Sonnerie porte d'entrée, côté jardin) Aïe aïe aïe, Moman ni vout nén qui dji drouve quand dji seû toute seûle (Arrête le CD et tente de changer sa voix) Qwè-ç-qui c'est ?

002) Voix off: Vos v' lèz Bén drouvu svp ?

003) Blandine: Pouqwè fé ?

004) Voix off: Pour mi vos spliquî m' cas.

005) Blandine: Nén dandji d' drouvu l'uch pou ça, dji vos choûte.

006) Voix off: Vos n'ôrîz nén 'ne pètite pîce pour mi svp ?

007) Blandine: Èt pouqwè ç-qui dji vos don' reu 'ne pètite pîce ?

008) Voix off: Paçqui dji seû S.A.

009) Blandine: Ç'èst qwè ça S.A ?

010) Voix off: Sans emploi m' dame.

011) Blandine: Sans emploi ! Ç'èst S.E, èt nén S.A.

012) Voix off: C'èst possibe, mins pour mi ça n'candje rén.

013) Blandine: Qui du contraire ! ça candje tout, vos d' vrîz dalér a scole pou aprinde a scrîre, si vos v' lèz yèsse pris, " dans le marché de l'emploi "

014) Voix off: Ah ! mins dji n' é nén dins l'idéye di travayî ô mârchi savèz mi !

015) Blandine: Oyi l' èst bon (Prend cinquante centimes) Wétèz di rascoude èl pètite pîce qui dji va mète dins l' sèrure. Paçqui mi la ! dji n'drouve jamés ôs-

inconus, ç' n'èst nén qui dj'è peû savèz, dji fé cint vint cinq kulos èyèt in mète nonante, mins fôt yèsse prudant v' la tout.(Place la pièce dans la serrure)

016) Voix off: Merci m'dame, on m'aveut bén dit qui vos-avîz toudis 'ne pîce a mète ô trô.

017) Blandine: (Regarde par la serrure) Vos l' wèyèz ? ça yèt ? èle dwèt yèsse di vo costè a ç'te eûre.

018) Voix off: Pou l'vîr dji l'wè, mins pou l'awè, ça ! c'è-st-ène ôte pére di mantches.

019) Blandine: Èn tchikotèz nén insi dins l'sèrure on svp ! vos dalèz l' distrûre.

020) Voix off: Ç'èst qui...dji n'arrive nén a l'awè.

021) Blandine: Ç'èst qwè ça l' brût d' fêrâye ? ça yèt ! vos-avèz skètè l'sèrure, (Enervée, prend un billet de cinq Euros et le glisse sous la porte) Èyèt sti la nè m'dijèz nén qui vos n'savèz nén l'awè !

022) Voix off: Ratindèz...oyi ça va...merci m' dame a bén råde.

023) Blandine: A bén råde a bén råde ! C'èst råde dit, èt co qwè ? comint fé pou drouvu l'uch a ç'te eûre qu'èl sèrure èst skètéye ?...Cédric...oyi Cédric il-a l'mwin a tout (Cherche le numéro et téléphone) Alô Mossieu Arsène Lupin ? Vos v'lèz bén d' mandér a Cédric di v' nu arindjî l' sèrure svp...c'èst cinquante centimes qui...oyi dji l' sé bén qui ça va coustér d'pus qu'ça, dijèz a Cédric di v' nu, i vîra su place....Ah oyi ! fôt-i yèsse bièsse...Blandine...a l' môjo da Blandine...merci.

(Reprend quelques vêtements qui traînaient et sort côté cour)

Scène 2: Grégory-Cerise

024) Grégory: (Entre côté jardin accompagné de sa petite soeur Cerise, il a un carton à pâtisserie qu'il dépose sur la table, ils jettent leurs vêtements par terre) Achidèz vous la, djouwèz avè vo nounours, èt n' boudjèz pus, Blandine va arivér i fôt li moustrér qui vos-èstèz ène sâdje pètite fiye...hein ! m' pètite cèrèje ?

025) Cerise: NON CERISE (va vers le coffre à jouets et en sort le contenu)

026) Grégory: L'èst bon ça va...CERISE ! qué no, on-âreut bén fêt d'vo lèyî dins-in bocal avé du formol, dj'âreu stî branmint pus tranquîye....Cerise...pouqwè nén prone tant qu'on-î-èsteut.

027) Cerise: Ça dji va l'dîre a Moman na !

028) Grégory: Èt pouqwè nén ô pape...Arètèz d' vos-ènondé vos dalèz piède vo pîrète

Scène 3: Grégory-Cerise-Blandine.

029) Blandine: (Entre côté cour) bondjoû Grégory (Bisou) bondjoû m'pètite cèrèje (Tente de faire un bisou)

030) Cerise: (Recule) NON CERISE, c'est malôjî a dîre ça !

031) Blandine: Ét la du calme, èt r'mètèz tout l' tchinisse a place, dj'é passè toute èl matinéye a r'mète d'alure.Mins dji seû quand minme contène qui vos v' nèz djouwér avè mi (Voit le carton à pâtisserie) èt vos-avèz apôrtè l' dèssért ?

032) Grégory: Vos savèz bén qu' c'est mi vo mèyeu copin n'do ! (Tend la main) vos m'duvèz cinq Euro cinquante pou lès gatôs.

033) Blandine: Oh s'cusèz m, dji pinseut qui c'èsteut in cadô

034) Grégory: In cadô ! ah non non, c'è-st-in gatô, IN GA..tô, èt nén in cadô.

035) Blandine: Bon bèh...(Donne cinq Euros) v' la toudis cinq Euro paçqui lès cinquante centime sont dins l'sèrure.

036) Grégory: Qwè d'pus normal qui d'prinde ène sèrure pou in spôgne-môgne.

037) Blandine: Oyi...anfin non, ç'n'èst nén ça, c'èst...brèf, vos n' pouvèz nén comprinde,vos v' lèz in p'tit coca ?

038) Grégory: Oyi ça dira, dj'é çu qui fôt pou mète didins. (Tire un petit flacon de sa poche)

039) Blandine: In p' tit coca ètou pou no p' tite Cèrèje ?

040) Cerise: Non mins, vos l' fèyèz èsprès ?

041) Blandine: Qwè ?

042) Cerise: DJI M'LOME CERISE et nén cèrèje, si dj'intind co, in seûl côp Cèrèje dji r'toûne tout dins l' môjo.

043) Blandine: Èt qwè-ç'qui vos-avè fé djusse qu'a çte'eûre ? (Sort côté cour)

044) Grégory: (Ouvre le tiroir en tire le porte feuille et prend deux Euros)
Qué tièsse è l'ér qui dji seu, dj'é roublyî di r' clamé mès frés d' dèplac'mint

045) Cerise: Mi...A vo place, dji léy'reut ça tranquîye.

046) Grégory: Pouqwè ? puçqui c'est mès frés d'dèplac'mint.

047) Cerise: Non seul' mint vos èstèz in voleûr, mins ô d'zeus du mârchî in fameus clatcheû...fèyèz a vo môde, mins dji vos-âré prév'nu, çoula n' vos pôrt' ra nén chance, a pârtir d'ôdjourdu i va vos-arivér toutes sôtes di quintes ô r'viér

048) Grégory: (Inquièt) Vos pinsèz ?

049) Cerise: R'wètèz vous, vos-avèz d'dja dès roudjeûs plins vo visâdje.

050) Grégory: Ah mon Dieu ! (Remet l'argent en place) Il èsteut tins, lès pèpins cominchî a v' nu...Tout conte fé dji m'sint mieu.

Scène 4: Grégory-Cerise-Amandine.

051) Amandine: (Entre côté jardin, elle a un carton a pâtisserie qu'elle dépose sur le premier, son vêtement est jeté sans soin aussi) Salut Grégory bondjou m'pètite cèrèje.

052) Cerise: (Hurle et tape du pied) CERISE, is l'fèye'nut èsprèt ou qwè ? c'n'èst nén posibe in ça...CERISE.

053) Amandine: Tout dous SVP...vos vos lom' rîz abricot ou Bén buloque qui ça s'reut co l' minme, sale djon.ne qui vos-èstèz.

054) Grégory: Èt la Mam'zèle Amandine, si vos continuwèz a fé d' vos yane avè m'pètite cheur, dji vos fé 'ne tièsse ô cârè.

055) Amandine: (Moqueuse) Aïe aïe aïe...wètèz come dji triyane.

056) Grégory: Continuwez...dji sins l'moustôde qui...

057) Cerise : (Met de l'huile sur le feu) Alèz Grégory donèz lyî 'ne boune lèçon.

058) Grégory: Tout conte fé...non, c'è-st-a vous qui dji va donér 'ne boune lèçon, s'angueûlér, s' bate, ça n'chève a rén, vôt mieus s'pârlér djintimint, " dialoguer " come ont dit.

059) Amandine: C'est ça " dialoguons " tous lès djous on dialogues dalure dins l' monde, èt on wèt ayu ç'qui ça no mwin.ne.

060) Grégory: C'est paçqui lès djins sont co pus tièstus qu'vous.

061) Amandine: Èt dire qu'on m'aveut dit qui tout s'reût bia ô vint èt unième sièke...lès gamins sont co pus bièsses qu'avant.

062) Grégory: (Même ton) Èt dire qu'on m'aveut dit qui tout s'reut bia ô vint èt unième sièke... lès fîyes sont co pus anmèrdantes qu'avant.

063) Amandine: Ostant n' pus vos rèsponde....Blandine èst la ?

064) Grégory: Oyi èle èst la, (Public) Ène fîye ça va, trwès, bondjou lès dègats.

065) Amandine: Rapôjèz vous, nous-ôtes nos n' fèyons nèn lès fonds d' guèrni.

066) Grégory: Fond d' guèrni !!! fond d' guèrni vous minme vos vos avèz bèn r'wétî ?..." chèf d'oeuvre en péril "

067) Cerise: (Toujours assise par tête prêt du coffre) Èl " dialogue " n'a rén rapôrtè... Alèz frèro, moustrèz qu'on-èst lès pus fôrt.

068) Grégory: Vous l'krèkyon a pîrète, SILANCE.
Après tout djînme mieus m'tére. (Boudent tous les trois)

Scène 5: Blandine-Amandine-Grégory-Cerise

069) Blandine: (Entre côté cour) Amandine ! ça c'è-st-ène boune surprîje
(Dépose les verres de coca, visiblement contrariée par le désordre, ne dit rien).

070) Amandine: (Avec dédain) Dji n'pouveus nèn sawè qui vos-avîz d'èl visites, sins qwè vos n' m' ârîz nèn vu ôdjourdu.

- 071) Blandine: Qui du contraire, vos-avèz bén fé...Dins tout lès cas, nos n' manqu' rons nèn d'gatô odjourdu.
- 072) Amandine: C'èst l'ocâsion qu'a fé l' lâron come on dit, èl bouлиндji soldeut tout a mitan pris...ça fèt qu'insi vos m'duvèz....chîj Euro pârtadji an deûs...ça fèt...trwès-Euro.
- 073) Blandine: La co bén qui ça n'finicheut nèn pa cénquante.
- 074) Amandine: Pouqwè ?
- 075) Blandine: Lès cénquantes centimes sont dins l'sèrure, on n'sèt pus drouvu l'uch.
- 076) Amandine:(Perplexe, puisqu'elle est entrée par la) Si vos l'dijèz !
- 077) Blandine: In p'tit coca ?
- 078) Amandine: Non, pour mi, c'èst toudis d' l' eûwe.
- 079) Blandine: Di l'eûwe !!!
- 080) Amandine: Oyi, c'èst rapôrt a m'popa wèyèz...
- 081) Grégory: Vo Popa ! vos n'dalèz nèn m'fé crwére qui bwèt d'l'eûwe quand minme ?
- 082) Blandine: Èt pouqwè nèn ?
- 083) Grégory: Bèh...i boute a l'comune !
- 084) Amandine: Ç'n'èst nèn pou ça, c'èst paçqu'i dit qui dins l'coca gn'a rén d'bon, qui du contraire c'èst mwé a l'santè quand on dè bwèt d'trop.
- 085) Grégory: A bon ! çu qui bwèt c'èst mèyeu a l'santè azârd !!!
- 086) Amandine: Dji vos-é d'mandè l'couleûr di vo scançon mi, èn vos mèlèz nèn di m'popa, i n' vos-a rén fèt. (Se remet a bouder)
- 087) Blandine: Vos n'avèz nèn co fini vous-ôtes deûs? dji va quér d' l' eûwe èyèt

r' lâvé les trwès jates, su ç' tins la wètèz d' vos rapôjê, après on djoûw'ra (sort côté cour)

Scène 6 : Grégory-Amandine-Cerise-Cédric.

088) Grégory: (Vient vers Amandine) Blandine a réson, on d' vreut cachê di s'ètinde, i gn'a pus qu' dèl disbrouye pa tout costè...surtout n'fèyons nèn l'minme qui lès swèt dijant...grands.

089) Amandine: Oyi c'èst l'vré, wétons di bén nos-ètinde

090) Cerise: (Mime un violoniste) Oh ! vos dalèz m' fé brére.

091) Grégory: (S'approche tout mielleux) Dji pout vos donér in p'it bètch ? dins lès films ça fini toudis insi.

092) Amandine: D'acôrd, mins nèn quèstion d' mâriâdje !(Se donnent un bisou, tandis que Cerise se moque d'eux)

093) Cédric: (Entre côté jardin, avec une boîte a outils et un carton a pâtisserie) Bondjou tèrtous.

094) Cerise: Si vos-avèz l' maleûr di m' lomé Cèrèje, ça va dalér mô pou vo matricule (Curieuse, s'empresse de vidé la boîte à outils, ajoutant ainsi un peu plus de désordre).

095) Cédric: Èt la mamzèle ! dji vo fé r' mârquê qui dji n'vos-é rén dit, èt dji n'pinse nèn qui c'è-st-ène boune idéye di mète in tchinisse paréye dins l'môjô da Blandine. (Pose son carton à pâtisserie sur les autres).

096) Grégory: Fôt nèn vos trècassi, quand on-è-st-arivè on-a r' mârqui qui gn-aveut pont d'alure dins l'môjô.

097) Amandine: C'èst l'vré, Grégory a réson. I m'chène qui Blandine duvreut fé in p'tit-èfôrt, wètèz ça qué n'alure, dji seû disbôtchêye pou s' moman, lèy qui travâye tant.

098) Cédric: Vos stèz v'nu pou djouwé ?

099) Grégory: Oyi mins djuss-qu'a ç'te eûre on-a co rén fêt. Èt vous, vos v'nèz djouwé ètou ?

- 100) Cédric: Non, mi dji seu v' nu pou arindji l' sèrure, parèt qu'on n' sét pu drouvu l'uch.
- 101) Amandine: Oyi, c'est ç'qui Blandine nos-a dit.
- 102) Cédric: Ayu ç'qu'èle èst l'uch qu'on-n'sét pus drouvu ?
- 103) Grégory: (Désigne la porte d'entrée) la parèt-i !
- 104) Cédric: Vos vos foutèz d' mi ? dji vén dè l'drouvu mi !
- 105) Grégory: Nous-ôtes ètou, Cèrège èyèt mi no...(interrompu)
- 106) Cerise : Cré d' boutroule di tchén...CERISE, CERISE.
- 107) Grégory: (Sans s'occuper de Cerise) Dji dijeu, qui nos stons rintrè pâr la.
- 108) Amandine: Èyèt mi vos pinsèz qu' c'est pa l'fènièsse ?
- 109) Cédric: Blandine va sùr' mint nos donér ène èsplicâtion, an ratindant dji va toudis cominchi a dismontér (Cherche un tourne vis dans le fouilli)
- 110) Amandine: Fôreut putète ratinde qu'èle èrvène...avant d'dismontér !
- 111) Cédric: C'est qui...dji n'é nén branmint l' tins di ratinde, dj'é co deûs dèpanâdjès a fèr, d' vant di rwéti l'TV.
Rén ô monde ni pèrsône ni pout m'èspétchî di rwétî " BLA BLA ".
Blandine n'èst nén la ?
- 112) Grégory: Siya, èle-è-st-èvoye fé lès bidons, èt m'qué d' leûwe, mins à m'idéye...C'è-st-a Spa !!!
- 113) Cédric: Adon, dji cominche a dismontér.(S'apprète a démonter lorsque la porte s'ouvre)

Scène 7 : Grégory-Amandine-Cerise-Cédric-Mimie.

- 114) Mimie: (Entre côté jardin, elle dépose son carton a pâtisserie sur les autres) Bèh si dji m'atindeu ! i da dès djins droci ! Bondjou a tèrtous, bondjou m'pètite Cèrèje...

115) Cerise: (Hurle) A non ! trop c'est trop, dji dé m'sô, in côp pou toute èm pètit no c'est CERISE, compris ? CERISE.

116) Mimie: Dji r'grète, mins Cerise c'est francès, èyèt mi dji pâle come on m'a apris, èt c'est du walon...compris ? mamzèle.
Èt après tout dji dit co çu qu' dji vous. (Crie) Cèrèje...Cèrèje...Cèrèje.

117) Amandine: (Cerise fait semblant de pleurer) Vos-avèz fini d' beûlér insi su ç' n-èfant la ?

118) Grégory: C'est l' vré ça ! fèyèz bén atinçion a vous, dji n'supôte nén qu'on fèye du mô a m'pètite cheur.

119) Cédric: Vos-avèz réson Grégory...t' as jamés vu ? fé ça a in-èfant qui n'dit rén qui n'fèt rén

120) Mimie: (Enervée, renverse un verre de coca) V'la on-a gangnê l'gro lot. Mi non pus dji n'demande rén a pèrsone, èt a vous non pus on n'd' mande rén.

121) Grégory: Pârdon, Blandine a d' mandè a Cédric di v'nu arindji l'uch d'intréye qu'on-sèt pu drouvu.

122) Mimie: L'uch d'intréye !!!

123) Grégory: Come dji vos l'dit.

124) Mimie: C'est qwè ça pou èn-ambrouye ? dji vén di rintré mi...pa l'uch d'intéye !

125) Cédric: Mi on m'a d'mandè d' vènu...dji seu la, fôra m' payê.

126) Mimie: Vos n'dalèz nén vos fé payê quand minme ?

127) Cédric: Dji va m'jin.né !

128) Mimie: Vos d' vrîz yèsse wonteu, fé ça a 'ne copine.

129) Cédric: An-afère, gn'a pont d' copine.

130) Cerise: Cédric, èn roubliyèz nén di r'clamé vo frés d' dèplaç'mint.

131) Grégory: Vos d'avèz yun d' culot vous !

132) Amandine: Non non Grégory, Cèrèje a réson (Le nom à peine prononcé, Amandine reçoit un nounours sur la tête, lancé par Cerise.)

133) Cerise: Dji vos-aveu prév' nu, l' prochain còp c'est ça qu'vos-ârez al tièsse, (montre un carton a pâtisserie)dji va m'èrciklér an-antarteûse profèssionèle.

134) Amandine: Vos n'estèz qu'in sale léd djon.ne, in léd mouzon, in sale pikron, in, in in...

135) Blandine: (Entre de cour) Qwè-ç-qui s'passe ? (Constate les dégats)
Jésus Mariye Djosèf !!! qué stôle ! Èt moman qui dwèt rintré d'ène munute a l'ôte !

136) Mimie: Blandine, vos pourîz m'dîre bondjou.

137) Blandine: Lèyèz m' tranquîye, wétèz ça qué dalâdje !

138) Grégory: Vos n'estèz qu'ène mô aprîje Blandine, vos n'avèz nèn d'dja vèyu qu' Mimie a apôrtè dès gatôs.

139) Amandine: (A Grégory) Si c' n'esteut qu'ça, èle n'a nèn d'dja yeût l' corâdje d'apôrtér m' vére d'eûwe.

140) Cédric: (A Blandine) Dji vos fréz r'mârquî, qui mi ètou dj'é apôrtè dès gatôs...èt come vos n' savèz nèn r'çuvwér vos copins, dji lès mèt'ré su l'facture d'èl réparation...Vos m'lès pay'réz lès gatôs.

141) Cerise: Èt come Cédric a v'nu pou rén, i fôra lyi donér in " dédommagement moral "

142) Blandine: Comint pou rén ?

143) Cédric: Oyi mam'zèle pou rén, on n'disrindje nèn in-ome di mèstî pou rén.

144) Blandine: (Ne comprend plus) Pou rén...pou rén...mins lès cénquante centime sont dins l'sèrure...on n' sèt pus toûrné l' clé !

145) Cédric: Dji n' comprend rén a vo ravôdâdje, tout çu qui dji sé, c'est qui vos vos fèyèz branmint d' ilusions an pinsant qui ça n' va coustér qui cénquante centime.

146) Blandine: Non...non c' n' èst nèn ça...pourtant dji l'ès-é bèn mètu dins l'sèrre...adon is-îs sont co...(Réalise soudain) après tout, comint avéz rintrè ?

147) Tous: Pa l'uch !!! (Ils désignent tous la porte d'entrée)

148) Blandine: Pa l'uch ! (Comprend) Oh l' pètte bique, èle m'a fé crwére qu'èle n'aveût nèn seû l'awè, pou m'satchî cénq Euros.

149) Amandine: Parèt qu'on lome çoula " extorsion de fond "

150) Mimie: C'èst bèn ça Amandine, mins avè mi ça n'prind nèn (Tend la main vers Blandine) Vos m'duvèz douze Euro pou lès gatôs.

151) Blandine: DOUZE EURO !!!

152) Mimie: Oyi, c'èst d'èl patis'rîye fète ô bon bûre di cince, èl vént d'èl môjô " sèl-ulith ".

153) Blandine: (A bout) Wètèz çu qui vos-avèz fé tèrtous dins m'môjô ! on n'wèt nèn l'place qui...èt ô d'zeus du mârtchi on m'èrclame co lès dérins-Euros du mwin-nâdje. Dj'é yeu m'conte pou ôdjourdu. Vos dalèz ridé tèrtous co pus rwè qu'èl vint d'bîje, dji n'vous pus vos vîr (Montre la porte) VUDEZ RAD'MINT...VUDEZ.

154) Amandine: (Tend la main) Nèn d' vant d' awè yeu m' vére d'eûwe, èyèt mès trwès-Euros pou lès gatôs.

155) Mimie: (Tend la main) Quand vos m'ârez donè mès douze Euro.

156) Grégory: (Tend la main) Èt lès quate Euro, pou mès frés di dèplaç'mint.

157) Cédric: (Tend la main) Mi dji va fé m'BA, vos n' mi don' rèz qui vint-Euro...pou m' awè disrindjî pou rén.

158) Cerise: (Tend la main) Mi avè deûs trwès bouquès d' tôte ça dira.

159) Blandine: (A bout, soulève Cerise et l'assied brusquement sur les cartons à pâtisserie)

V'LAC'ÈST ÇU QU'ON L'OME " LA CERISE SUR LE GATEAU "

Nadine Modolo,
5,Rue Gillemont
6120, Ham-sur-Heure.
Répertoire SABAM.

FIN.